

庶物類纂

蟲屬
自八十五至八十一

容

太政官文庫			
和書門	特別	一	二
		三	六
		二	第
		函	五十四
冊架	冊架	冊架	冊架
四	六	五	冊架

內閣文庫	
番號	和 32362
冊數	465 (379)
函號	樹 54 . 1

百

共四六



A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak



續有...
...




庶物類纂蟲屬卷之八十目次
 人身中蟲


庶物類纂
 卷之八十

虫
 屬
 目
 次

本草綱目卷之八



人身中蟲



本草綱目卷之八

蟲屬 人身中蟲 一

人身中蟲

南方有軒、曉之林，其高百丈，圍三尺八寸，促節多汁，甜如蜜，咋啣其汁，令人潤澤，可以節蛇蟲。廣記引人腹中蛇蟲，其狀如蚓，此消穀蟲也。多則傷人，少則穀不消，是軒、曉能減多益少。凡蔗亦然。漢東方朔神異經

病源：夫九蟲者，一曰伏蟲，長四寸；二曰蛔蟲，長一尺；三曰白蟲，長一寸；四曰肉蟲，狀如爛杏；五曰肺蟲，狀如蠶形；六曰胃蟲，狀如蝦蟇；七曰弱蟲，狀如瓜瓣；八曰赤蟲，狀如生肉；九曰蟻蟲，至細微，形如菜蟲。伏蟲

群蟲之主也。蛔蟲貫心則殺人，白蟲相生，子孫轉大，長至四五尺，亦能殺人。肉蟲令人煩滿，肺蟲令人欬嗽，胃蟲令人嘔吐，胃逆喜噦，弱蟲又名隔蟲，令人多唾，赤蟲令人腸鳴，蟻蟲居胸膈，多則為痔，劇則為癩。因人瘡處以生，諸癰疽癬癩，疥癬蟲無所不為人，亦不必盡有，有亦不必盡多，或偏有，或偏無者，此諸蟲依腸胃之間，若腑臟氣實則不為害，若虛則能侵蝕，隨其蟲之動而變成諸患也。唐王燾外臺秘要

病源：蛔蟲者是九蟲之一也，長一尺，亦有長五六寸。

或因腑藏虛弱而動，或因食甘肥而動，其發動則腹中痛發，作種聚去，來上下痛，有休息，亦攻心痛，口中喜涎及吐清水，責傷心者則死，診其脉腹中痛，其脉法當沉弱弦，今反洪而大，則蛔蟲也。同上

病源：寸白者九蟲之一也，長一寸，而色白，形小，扁，因腑藏虛弱而能發動，或云飲白酒，以桑枝貫牛肉炙食之，并食生魚所成，又食生魚後即飲乳酪，亦令生之，其發動則損人精氣，腰脚疼弱，又云此蟲生長一尺則殺人。同上

病源、螻蟲是九蟲之一也。形甚小，如今之蝸，蟲狀亦因腑藏虛弱而致發動。甚者則能成痔、癰、疥、癬、癩、癰疽、癩諸瘡。螻蟲此是人體虛弱極重者，故螻蟲因之動，作無所不為也。同上
病源、三蟲者長蟲、赤蟲、螻蟲，為三蟲也。猶是九蟲之數也。長蟲者蛇蟲也，長一尺，動則吐清水，出則心痛。貫心則死，赤蟲狀如生肉，動則腸鳴。螻蟲細微形如菜蟲也，居腸胃之間，多則為痔，劇則為癩。因人瘡處即生諸癰、疽、癬、癩、疥、齒，無所不為。此既是九蟲

內之三蟲，而今別立名者，當以其三種偏發動成病，故謂三蟲也。其湯熨鍼石別有正法，補養宣導，今附於後。養生方導引法云：以兩手著頭，相叉長引氣，即吐之，坐地，緩舒兩脚，以兩手從外抱膝，中疾低頭入兩膝間，兩手交叉頭上，十二遍，愈。三蟲又云：叩齒二十七，過輒咽氣，二七如是，三百遍，乃止。為之二十日，邪氣悉去，六十日小病愈，百日大病除。三蟲伏尸皆去，面體光澤。同上
有道士言：人皆有尸蟲，三處腹中，伺人隱微失誤，輒

籍記曰庚申幸其人之昏睡出譏於帝以求饗以是人多謫過嫉癘夭死柳子特不信一無特字曰吾聞聰明正直者為神之尤者一無者字其為聰明正直宜大也安有下比陰穢小蟲縱其狙詭延其變詐以害于物而又悅之以饗其為不宜也殊甚吾意斯蟲若果為是則帝必將怒而戮之投于下土以殄其類俾夫人得安其性命而苛慝不作然後為帝也余既處卑不得質之于帝而嫉斯蟲之說為文而罵之罵尸蟲文。柳河東集

機謹按文苑英華嫉作疾

說文曰螻腹中短蟲也

史記曰臨菑汜里女子薄吾病甚衆醫皆為寒熱篤當死不治淳于意診其脉螻瘕螻瘕為腹火上黃麋循之戚戚然意飲以芫花一撮即出螻可數升病已

三十日如故太平御覽

淮南子曰天下物莫不資於水澤及蚊音蚊而不求報同上

天地盜太虛生人蟲盜天地生螻蚘盜人蟲生螻蚘者腸中之蟲也嗜我精氣鑠我魂魄盜我滋味而有

其生有以見我之必死，所以知天之必頽，天其頽乎？
 我將安有？我其死乎？蠶、虹將安守？所謂姦臣盜國，國
 破則家亡，蠹蟲蝕木，木盡則蟲死，是以大人錄精氣，
 藏魂魄，薄滋味，禁嗜欲，外富貴，雖天地老而我不傾。
 蟾、虹死而我長生，姦臣去而國太平。譚景昇化書
 九蟲者：一曰伏蟲，長四分，為群蟲之長；二曰白蟲，長
 一寸，相生至多，其母長至四五丈，則殺人；三曰肉蟲，
 狀如爛杏，令人煩懣；四曰肺蟲，其狀如蠶，令人咳；五
 曰胃蟲，狀如蝦蟇，令人吐逆嘔噦；六曰弱蟲，狀如瓜

辨，令人多唾；七曰赤蟲，狀如生肉，令人腸鳴；八曰蟻
 蟲，至微細，狀如菜，蟲居洞腸間，多則為痔，漏癰疽諸
 瘡，無所不為；九曰蛇蟲，長一尺，貫心則殺人。又有尸
 蟲，與人俱生，狀如犬馬尾，或如薄筋，依脾而居，長三
 寸許，大害於人。然多因臟虛疾寒勞熱而生。宋張季明醫說
 蛇蟲九蟲之數，人腹中皆有之。小兒失乳而哺，早或
 食甜過多，胃虛蟲動，能令人腹痛惡心，口吐清水，腹
 上有青筋，火煨使君子與食，以殼煎湯送下，甚妙。然
 世人多於臨卧服之，又無日分多不驗，唯是於月初

四五間五更服之至日午前蟲盡下可以初冒溫平藥一兩日間調理之不可多也凡蟲在人腹中月上旬頭向上中旬橫之下旬頭向下故中下旬用藥即不入蟲口所以不驗也牛馬之生子上午生者行在母前中旬生者並肩而行下旬生者後隨之猫之食鼠亦然上午食上段中旬中段下旬下段自然之理物皆由之而莫知之出醫餘
○同上
 療饑蟲從政即陳樸富沙人母高氏年六十餘得饑疾每作時如蟲齧心即素食食罷乃解如是三四年

畜一猫極愛之常置于傍猫叫則取魚肉和飯以飼一日猫適叫命取鹿脯自嚼而啖猫至于再覺一物上觸喉間引手探得之如拇指大墜于地頭尖匾類塌沙魚身如蝦殼長八寸漸大俾兩指其中盈實剖之腸肚亦與魚同有八子胎生蠕如小鯁人皆莫能識為何物蓋聞脯香而出高氏病即愈出類編
○同上
 永徽中崔爽者每食生魚三斗乃足於後饑作鱠未成爽忍饑不樂遂吐一物如蝦蓋自此之後不復能食鱠出宣室志
○同上


心蟲曰蛔脾蟲寸白腎蟲如方截絲縷肝蟲如爛杏
肺蟲如蠶皆能殺人惟肺蟲為急肺蟲居肺葉之內
蝕人肺絲故成瘵疾咯血聲嘶藥所不至治之為難
有人說道藏中載諸蟲皆頭向下惟自初一至初五
以前頭上行故用藥者多取月朏以前蓋此也如療
寸白用良方錫沙蕪萸檳榔者極佳五更服蟲盡下
白粥將息藥用石榴根濃汁一升散三錢九五枚
本出

事方同上

酒蟲○齊州士曹席進孺招所親張彬秀才為館舍

彬嗜酒每夜必寘數升於牀偶一夕忘設焉夜半大
渴求之不可得忽悶呼燥俄頃嘔吐一物于地旦起
視之見牀下塊肉如肝而黃上如蜂窠猶微動取酒
沃之唧唧有聲始悟平生酒病根本亟投諸火中後
遂不飲同上

元載不飲酒人強之辭以鼻聞酒氣即醉人謂可治
取針挑載鼻尖出一小青蟲曰此酒魔也聞酒即畏
之去此無患宋蔣穎叔
許叔微精於醫云五藏蟲皆上行唯有肺蟲下行最



難治、當用獺爪為末調藥於初四初六日治之、此二

日肺蟲上行也。宋姚寬西溪叢語

機謹按吳郡顧元慶詹曝偶談同

崇政即陳櫟建陽人母高氏年六十餘得饑疾每作時如蟲齧心即亟索食食入方解如是三四年畜一猫甚大極愛之常置座旁猫嬌呼取魚肉和飯飼建炎三年夏夜露坐納涼猫適叫命取鹿脯自嚼啖猫至干再覺一物上觸喉間引水探得之如拇指大墜干地呼燭照之其物頭尖而匾類塌沙魚身如蝦長


八寸漸大侷兩指其中盈實剖之腸肚亦與魚同有八子胎生蠕蠕若小蝦人莫能識為何物蓋聞脯香而出也高氏疾遂愈。宋洪邁分類夷堅志

永州通判廳軍員毛景得奇疾每語喉中輒有物作聲相應有道人令學誦本草藥名至藍而默然遂取藍揅汁飲之少頃吐出肉塊長二寸餘人形悉具劉襄子思為永倅景正被疾踰年親見其愈予記前書載應聲蟲因服雷丸而止與此相類。同上應聲蟲○余友劉伯時嘗見淮西士人楊勗自言中

年得異疾每發聲言應答腹中輒有小聲效之數年
 間其聲浸大有道士見而驚曰此應聲蟲也久不治
 延及妻子宜讀本草遇蟲所不應者當取服之如
 之讀至雷丸蟲乃無聲乃頓餌數粒遂愈余始未以
 為信其後至長河遇一丐者亦有是疾環而觀者甚
 衆因教之使服雷丸丐者謝曰某貧無他伎所以唯
 求衣食於人者唯藉此耳宋范正敏
避齋間覽
 迂夫病蠶齒呻吟之聲達於四隣通夕不寐有道士
 過之問曰子知病之所來乎曰不知也道士曰病來

於天且取子之齒以食食骨之蟲而子拒之是違
 天也夫天者子之所受命也若之何拒之其必與之
 迂嬰曰諾於是齒與蟲偕然而寐一夕而愈宋司
馬光
書

蛇蟲汁大寒主目膚赤熱痛取大者淨洗斷之令汁
 滴目中三十年膚赤亦差陳藏器餘○宋唐
慎微證類本草
 蛇人腹中長蟲也按巢元方病源云人腹有九蟲伏
 蟲長四分群蟲之主也蛇蟲長五六寸至一尺發則
 心腹作痛上下口喜吐涎及清水貫傷心則死白蟲



長一寸色白頭小生育轉多令人精氣損弱腰脚疼
長一尺亦能殺人肉蟲狀如爛杏令人煩悶肺蟲狀
如蠶令人咳嗽成勞殺人胃蟲狀如蝦蟇令人嘔逆
喜噦弱蟲又名鬲蟲狀如瓜瓣令人多唾赤蟲狀如
生肉動作腹鳴蟻蟲至微形如菜蟲居腸中令人
生癰疽疥癬疔瘡疔瘡匿齒齒諸病諸蟲皆依腸
胃之間若人臟腑氣實則不為害虛則侵蝕變生諸
疾也又有尸蟲與人俱生為人大害其狀如犬馬尾
或如薄筋依脾而居三寸許有頭尾凡服補藥必須

先去此蟲否則不得藥力凡一切癥瘕久皆成蟲紫
庭真人云九蟲之中六蟲傳變為勞瘵而胃虵寸白
三蟲不傳其蟲傳變或如嬰兒如鬼形如蝦蟇如守
宮如蜈蚣如蟻蟻如蛇如鯨如蝟如鼠如蝠如蝦如
豬肝如血汁如亂絲等狀凡蟲在腹上旬頭向上中
旬向中下旬向下服藥須於月初四五日五更時則
易効也張子和云巢氏之衍九蟲詳矣然蟲之變不
可勝窮要之皆以濕熱為主蟲得木氣乃生得雨氣
乃化豈非風木主熱雨澤主濕耶故五行之中皆有

蟲諸木有蠹諸果有蟪諸菽有妨五穀有螟螽蝻蟊
 麥朽蛾飛粟破蟲出草腐螢化皆木之蟲也烈火有
 鼠爛灰生蠅火之蟲也穴蟻墻蠹田螻石蟻皆土之
 蟲也蚪斗馬蛭魚鯀蛟龍皆水之蟲也昔有治工破
 一釜見其斷處曰中有一蟲如米蟲色正赤此則金
 中亦有蟲也明李東璧本草綱目
 中山玉櫃經夫人身並有三尸九蟲人之生也皆寄
 形於父母胞胎五穀精氣是以人腹中盡有尸蟲為
 之大害常以庚申日夜上告天帝記人罪過絕人生

籍欲令速死鬼昇于蒼天魄入于黃泉唯有蟲尸獨
 在地上遊行走上尸名彭倨好寶物中尸名彭質好五
 味下尸名彭矯好色慾三尸之為物常居人脾上尸
 彭倨名青服中尸彭質名白服下尸彭矯名赤口此
 三尸狀如小兒或似馬形狀皆有鬚髮毛長三四寸
 人既死遂出作鬼耳如人生時形象衣服長短親人
 見之謂是亡人還家實非亡人之靈也明陳希顏事
言要玄集
 消渴有蟲苦棟根新白皮一握切焙入麝少許水二
 椀煎至一椀空心飲之雖困頓不妨自後下蟲三四

條狀如虻蟲其色真紅而渴頓止乃知消渴一證有
蟲耗其津液者

明周恭賢
說會編


子和云余昔過夏邑西有婦人腹脹如鼓飲食乍進
乍退寒熱乍作而時吐嘔且三載矣師覲符呪無所
不至惟俟一死會十月農隙田夫聚獵一犬役死磔
于大樹下盤根遺腥在其上病婦偶至樹根頓覺昏
憤眩瞽不知人枕于根側口中蟲出其狀如蛇口眼
皆具以舌舐其遺腥其人驚見以兩袖裹其手按蟲
頭極力出之且二尺許重幾斤剖而視之以示諸人

其婦遂愈此正與華元化治法同蓋偶得吐法耳
元載不飲人以鍼挑鼻尖出一小蟲謂之酒魔即日


飲一斗
劉元卿
賢奕編

庶物類纂蟲屬卷之八十一目次

人身中蟲



人身中蟲



人身中蟲

酒魔○常元載以鼻聞酒氣便醉人以為可治即取針挑載鼻尖出一小蟲曰此酒魔也聞酒即畏之是日載徑飲至二斗五日倍是玄山記○明劉仲達鴻書

有蟲如蟹走於皮下有聲如小兒啼為筋肉之化雷丸雄黃鶴虱末糝在猪肉片上炙熟喫盡明李樾醫學入門

吳郡陸顯世以明經仕顯自幼嗜麵為食愈多而質愈瘦後為太學生有故人數輩挈酒食詣其門曰吾南越人長鬢貂中聞唐天子羅天下英俊且欲以文

物化動四夷故我等航海梯山來觀文物之光願與
子交歡於是相與酣宴極歡而去旬餘群胡又至持
金繒為顯壽顯疑其有他即固拒之胡人曰吾子居
長安中惶惶有飢寒色故持金繒為子僕馬一日之
費所以交吾子歡耳幸勿疑我也顯不得已受金繒
顯遂僑居于渭水上杜門不出僅月餘群胡又詣其
門顯大驚胡人喜曰此君在大學中我未得盡言今
君退居郊野果吾心也既坐胡人挈顯手而言曰我
之來非偶然也蓋有求于君幸望許之且我所祈于

君固無害於我則大惠也顯曰謹受教胡人曰吾子
好食麵乎曰然又曰食麵者非君也乃君腹中一蟲
耳今我欲以一粒藥進君君餌之當吐出蟲則我以
厚價易之可乎顯曰若誠有之又安有不可耶已而
胡人出一粒藥其色光紫命餌之有頃遂吐出一蟲
長二寸許色青狀如蛙胡人曰此名清麵蟲實天下
之奇寶也顯曰何以識之胡人曰吾每但見寶氣亘
天在太學中故我為君而取然自一月余清且望之
見其氣移於渭水上君果遷居焉又此蟲稟天地中

和之氣而結，故好食麵，蓋以麥自秋始種，至來年夏實，受天地四時之全氣，故嗜其味焉。即以麵斗，餘致其前，蟲食之立盡。既而以筒盛其蟲，又金函扁之，命顯致于寢室。謂顯曰：「明日當再來。」及明旦，胡人以十輛輦金、玉、繒、帛，約數萬獻於顯，共持金函而去。僅歲餘，群胡又來，謂顯曰：「吾子能與我偕遊海中乎？我欲探海中之奇寶，以耀天下。」顯與俱至海上，胡人結宇而居，置油膏於銀鼎中，篝火其下，投蟲於鼎中，鍊之七日，不絕燎。忽有一童，分髮青，衣襦，自海水中出，捧

月盤，盤中有徑寸珠甚多，來獻胡人。胡人大聲叱之，其童色懼，捧盤而去。僅食頃，又有一玉女，貌極冶，衣霧綃之衣，佩玉珥珠，翩翩自海中而出，捧紫玉盤，中有珠數十，來獻胡人。胡人罵之，玉女捧盤而去。俄有一仙人，戴瑤碧冠，帔霞衣，捧絳帕，藉藉中有一珠，徑上寸許，奇光泛空，照數十步。仙人以琛獻胡人，笑而受之，喜謂顯：「至寶來矣。」即命絕燎，自鼎中收蟲，置金函中，其蟲雖鍊之良久而跳躍如初。胡人吞其珠，謂顯曰：「子隨我入海中，甚無懼。」顯即執胡人佩帶入焉。

海、水、豁、開、鱗、介、辟、易、遊、龍、宮、入、蛟、室、珍、貝、惟、擇、纔、一、
夕、而、獲、甚、多、胡、人、謂、顛、曰、此、可、以、致、億、萬、之、貨、矣、已、
而、又、以、數、品、遺、顛、貨、于、南、越、獲、金、千、鎰、由、是、益、富、其、
后、竟、不、仕、老、於、閩、越、中。宣室志
後、漢、華、佗、廣、陵、太、守、陳、登、得、病、佗、脈、之、曰、胃、中、有、蟲、
欲、成、內、疽、食、腥、物、所、致、作、湯、二、升、服、之、吐、蟲、三、升、赤、
頭、皆、動、半、身、猶、是、生、魚、膾、佗、為、人、性、惡、難、得、意、耻、以、
醫、見、業、曹、操、苦、頭、風、召、佗、在、左、右、後、求、歸、取、方、因、妻、
疾、數、期、不、及、操、累、書、呼、之、佗、特、能、厭、事、猶、不、肯、至、操、

大怒殺之、佗臨死出書一卷與獄吏曰、此可以活人、
吏畏法不敢受、佗索火焚之。事文類聚。集事淵海。

徐文伯精於醫術、宋孝武路太后病、衆醫不識、文伯
診之曰、此石博小腸耳、乃為水劑消石、湯病即愈、除
都陽王常侍遺以千金、旬日恩意隆重、宋明帝宮人
患腰痛、牽心、每至輒氣欲絕、衆醫以為肉癥、文伯曰、
此髮癥、以油投之、即吐、得物如髮、稍引之、長三尺、頭
已成蛇、能動、挂門上、適盡一髮而已、病都差。南史。同上。
吾鄉都生自外歸、裝有水銀一小簾箱、箱上書一銀

字為識舟人以為銀也乘其醉縛而沈之南方過癩
小說多載之近聞其症乃有癩蟲自男女精液中過
去故此脫而彼染如男入女固易若女染男者亦自
女精中出隨精入男莖中也若男欲除蟲者以荷葉
卷置女陰中既輸洩即抽出葉精與蟲悉在其中即
棄之精既不入女陰宮女亦無害也此治療妙術故
不厭猥褻詳述之今南中有癩人處官置癩坊居之
不以貴賤知體蘊癩者家便聞官隱者有罰焉
吳郡祝允

明猥談

人身諸蟲上半月頭向下下半月頭向上清來元成博學彙書

愚聞吾師孔相國文忠公述其同年嘉興高玄期先生道素嘗言甘蔗最宜小兒食凡人腹中蛇蛔名消穀蟲多則傷人少則穀不消蔗能節蛇蛔多者減之少者益之蛇蛔適其中則小兒無病矣不多食亦不發虛熱動衄血如吳瑞所云也此世醫所鮮能知從來方書亦未之及特表而出之清劉若金本草述
或疑萬年青古人並未言及烏鬚者子言何足徵乎鐸實聞諸異人之言至于殺癆蟲又實親試而驗

者也嘗遊楚高漢口有鹹艇主人患久嗽說胸中微
癢則嗽不能止若痛則必吐血矣問何以得此云因
泊舟潯江偶颶風夜起呼舵工整備篷纜一時驟雨
至灑熱背覺寒甚自此便嗽至今初嗽時無癢痛之
徵自癢而痛自痛而吐血余曰此寒雨透入于肺俞
必肺生蟲矣渠不信未幾而胸痛曰必吐血矣奈何
余曰急服烏梅則可止乃服之而安渠問故余曰此
權宜之法以試蟲之有無也蟲得酸則伏今飲烏梅
湯而痛定非蟲而何渠乃信服余用萬年青搗汁用

酒衝一碗候胸中痛時急服至夜分胸果痛乃服萬
年青服下疼甚幾不欲生欲飲茶予禁不與渴甚勸
其再服萬年青不聽余固請飲之而痛益加喉中癢
甚余曰此蟲欲出也意再飲萬年青汁又飲之乃吐
血而蟲隨湧出長二寸半大如指形如促織长腿如
螳螂其色純紫燈下視之如火有焰額上有鬚二條
長寸許背上有翅尚未長而腹尚未全生仍如大指
大一血碗倘羽毛豐滿身腹俱全豈肯久安千人膈
乎一艇之人無不驚嘆為神醫也病者見之暈絕余

曰、今後不必再憂死亡矣、乃用人參、麥冬、當歸、熟地、滋陰之藥十劑、又用健脾補氣之藥十劑、調理而愈、前後用萬年青不過一株也、嗚呼異哉、使余不遵異人之教、必不知萬年青之殺癆蟲也、然非主人確信吾言、亦不能奏功之神如此、其蟲數日尚活、客有勸主人火煨以服之、謂能復還從前氣血、余曰、不可、主人狐疑不決、余曰、蟲得人之靈氣、以生于胸中、安知不如螞蝗水、蛭見水而再生乎、主人聞之色怯、余乃用火燒死而埋之、江邊萬年青殺蟲之驗如此之神、

而言烏鬚之效、又可比類而共信矣、

清陳士鐸本草新編

鼠胆治耳聾、余親見治一小兒、將汁滴入耳、癢甚、忽有一蟲走出、長寸半、四足、遍身鱗甲、色正白也、此蟲名為環耳蟲、專食人體髓、幸小兒速治、即愈、否則蟲入腦頭、痛如破、終身之病也、鼠胆治耳聾、效捷如此、因誌之、同上

論曰、蟲動物也、皆風之所化、風入五臟、化生五蟲、則成五癩、入肝其蟲青、入心其蟲赤、入脾其蟲黃、入肺其蟲白、入腎其蟲黑、四蟲皆可治、惟黑蟲為難療、或

所傷未深專意治之亦差者清程雲來聖濟總錄纂要

一人患發熱痞滿後常兀兀欲吐吐中必有蟲數枚狀如蝦形跳躍不已諸治不應或令服銅綠涌之不

過二三度遂絕不復見矣清張路玉醫通

聖惠方曰神仙去九蟲方一曰蛔蟲狀如蠟長四寸令人腹鳴二曰長蟲亦名蛇蟲長一尺令人心痛三曰白蟲長一寸生子孫轉大或長至四五尺亦能熬久欸嗽六曰胃蟲如蝦蟇令人嘔吐不喜七曰鬲蟲

如瓜辨令人多睡八曰赤蟲生肉令人腹鳴九曰燒

蟲至微細狀如菜子群蟲之主也令人勞劇多則為

人癩病亦為人癰疽瘡疥癩癬蚤虱等朝鮮朴允德鄉藥集成方

應聲蟲永州通判廳軍員毛景得奇疾每語喉中輒

有物作聲相應有道人令學誦本草藥名至藍而然

遂取藍搽汁飲之少頃嘔出肉塊長二寸餘人形悉

具劉襄子思為永倅親見其事湖廣總志

機謹按宋張李明醫說見其事作見其愈

麻
牛
類
集
卷
之
一
一



